



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the BiH

GODINA: XIV

BROJ: 241

DATUM: 12.5.2017.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Izabrano novo rukovodstvo Saveza	1
Izborna Skupština Saveza u medijima	1
Predstavljen ReLOaD projekt	2
Ustavni sud FBiH presudio u korist Općine Stari Grad – Hadžibašić: Stvari konačno dolaze na svoje mjesto	3
Međunarodni sajam turizma LIST ove godine se proširen na segment ekologije	4
Međunarodni sajam privrede u Tešnju u maju okuplja 200 izlagača	5
Pilot projekat digitalnog arhiva katastra	5
Gradonačelnik Mostara zajedno sa švedskim ambasadorom u BiH i predstavnicima Svjetske banke obišao radove na izgradnji kolektora i pročistača	6
Uskoro počinje sa radom Centar za podršku osobama sa poteškoćama u razvoju	6
Načelnik općine Srebrenik Nihad Omerović uručio ugovore o obavljanju javnih radova	7
U Usori potpisani ugovori za sanaciju prometnica	8
Osigurana garancija za Plavu vodu	8
Općina Novi Grad organizira besplatno predavanje o plastičkoj proizvodnji	9
Poziv na podnošenju prijava jedinica lokalne samouprave u Bosni i Hercegovini	9
Inicijativa za usaglašavanjem u pogledu izmjena i dopuna ustavnih i zakonskih rješenja	10

Bilten Saveza općina i gradova Federacije Bosne i Hercegovine

IZABRANO NOVO RUKOVODSTVO SAVEZA



Na Izornoj skupštini Saveza općina i gradova Federacije BiH, održanoj 5. maja/ svibnja u Čapljini, za predsjedavajućeg Skupštine Saveza izabran je načelnik Sanskog Mosta Faris Hasanbegović, a za njegovog zamjenika načelnik Čapljine Smiljan Vidić.

Izabrano je i novo Predsjedništvo Skupštine Saveza općina i gradova Federacije BiH. Tako je za predsjednika Predsjedništva Saveza izabran načelnik Hadžića

Hamdo Ejubović, a za njegovog zamjenika načelnik Tomislavgrada Ivan Vukadin. Svi načelnici su izabrani jednoglasno. Jednoglasno je usvojen Izvještaj direktorice Saveza općina i gradova Federacije BiH Vesne Travnjanin, te Izvještaj o radu organa i tijela skupštine Saveza.

Na Skupštini je učestvovalo 47 načelnika / gradonačelnika ili njihovih predstavnika.

Novo rukovodstvo naglasilo je kako će ustrajati u zaštiti interesa općina i gradova u saradnji sa višim nivoima vlasti. U svečanom dijelu sjednice prisutne je pozdravila predsjedateljica Doma naroda Parlamenta Federacije BiH Lidija Bradara. Na skupštini su, uz ostale, prisustvovali zamjenik šefa ureda Vijeća Evrope u Bosni i Hercegovini Toni Pavloski, predstavnici UNDP-a, OSCE-a i Federalnog ministarstva pravde, kao i predstavnici oba doma Parlamenta Federacije BiH. Načelnici su imali priliku da se upoznaju novom Metodologijom za određivanje cijena usluga vodosnabdijevanja / vodoopskrbe i kanalizacije u BiH, koju je prezentovao Branko Vučijak iz UNDP-a BiH - projekat GoAL WaSH. Također, prezentovan im je i Regionalni program lokalne demokratije na Zapadnom Balkanu (ReLOaD), Zakon o razvojnom planiranju i upravljanju razvojem, te uvodna faza projekta jačanja kapaciteta saveza općina i gradova u BiH

IZBORNA SKUPŠTINA SAVEZA U MEDIJIMA



Večernji list; 6.5.2017. godine

Naša TV, 5.5.2017. godine

Gledajte Savez općina i gradova
Federacije Bosne i Hercegovine na



PREDSTAVLJEN RELOAD PROJEKAT

Regionalni program lokalne demokratije na Zapadnom Balkanu (ReLOaD) kao nova, 10 miliona eura vrijedna, inicijativa Evropske unije (EU) i Razvojnog programa Ujedinjenih nacija (UNDP), 25. aprila je zvanično predstavljena u Sarajevu. Ukupan budžet projekta je 10 miliona eura, od toga 8,5 miliona finansira Evropska unija, a ostatak od 1,5 miliona eura sufinansiraće UNDP i jedinice lokalne samouprave uključene u ReLOaD. ReLOaD inicijativa će poboljšati saradnju između lokalnih vlasti i organizacija civilnog društva (OCD), fokusirajući se na transparentno finansiranje OCD-a širom Zapadnog Balkana. U periodu od tri godine, od 2017. do 2020. godine, 38.000 građana će imati koristi od 200 projekata, koji će biti realizovani u skladu sa lokalnim prioritetima. Ovi projekti će realizirati OCD-ovi, u saradnji sa jedinicama lokalne samouprave, a bit će uključeno 50 gradova i općina u šest zemalja Zapadnog Balkana. Cilj ReLOaD projekta je jačanje partnerstava između lokalnih vlasti i civilnog društva na Zapadnom Balkanu, širenjem uspješnog modela transparentnog projektnog finansiranja organizacija civilnog društva iz opštinskih budžeta, usmjerenog ka većem građanskom učešću u procesima donošenja odluka i unapređenju nivoa pružanja usluga u lokalnim zajednicama. ReLOaD će unaprijediti finansijske mehanizme putem kojih će općine, koje finansiraju OCD-ove, implementirati aktivnosti prioritetne za lokalni razvoj, u suradnji s organizacijama civilnog društva. Na taj način ReLOaD projekt će, u partnerstvu sa lokalnim vlastima širom Zapadnog Balkana, doprinijeti povećanju uključenosti civilnog društva u procese donošenja odluka i poboljšanju nivoa pružanja usluga u skladu sa lokalnim potrebama.

"ReLOAD je važan program za EU. To je važan dio dosadašnje snažne EU podrške civilnom društvu, koja je utemeljena kao važan element EU strategije proširenja", rekla je Liselotte Isaksson, šefica Sektora civilnog društva i socijalne inkluzije Generalne direkcije za politiku susjedstva i proširenje, pri Evropskoj komisiji. "Projekat ReLOaD će, uz podršku EU i UNDP-a, olakšati uspostavu dijaloga između organizacija civilnog društva i institucija vlasti, i pomoći im u efikasnijem rješavanju potreba građana na lokalnom nivou, u šest zemalja Zapadnog Balkana", rekao je Sukhrob Khoshmukhamedov, zamjenik rezidentne predstavnice UNDP-a u BiH. Projekat ReLOaD nastavlja pozitivna iskustva i dobre rezultate ostvarene tokom realizacije projekta "Jačanje lokalne demokratije (LOD)", koji je, u periodu od 2009. do 2016. godine takođe finansirala EU, a implementirao UNDP u Bosni i Hercegovini.

"Mislim da je najveći uspjeh LOD projekta, upravo njegovo multipliciranje na još pet zemalja i započinjenje novog regionalnog pristupa kroz ReLOAD projekat," rekao je Goran Kučera, predstavnik Ministarstva pravde BiH. "Imajući u vidu vidljive promjene i rezultate dosegnute u okviru LOD projekta u BiH, sigurno je da će ReLOaD projekat doprinijeti daljoj demokratizaciji cjelokupne regije Zapadnog Balkana," rekla je Amra Selesković, direktorica OCD Vesta. ReLOaD finansira Evropska unija (EU), a realizuje Razvojni program Ujedinjenih nacija (UNDP), u Albaniji, Bosni i Hercegovini, bivšoj jugoslovenskoj republici Makedoniji, Crnoj Gori, Kosovu i Srbiji.

"Projekat ReLOaD će, uz podršku EU i UNDP-a, olakšati uspostavu dijaloga između organizacija civilnog društva i institucija vlasti, i pomoći im u efikasnijem rješavanju potreba građana na lokalnom nivou, u šest zemalja Zapadnog Balkana", rekao je Sukhrob Khoshmukhamedov, zamjenik rezidentne predstavnice UNDP-a u BiH.



USTAVNI SUD FBiH PRESUDIO U KORIST OPĆINE STARI GRAD- HADŽIBAJRIĆ: STVARI KONAČNO DOLAZE NA SVOJE MJESTO



Grb Općine Stari Grad



Ustavni sud Federacije Bosne i Hercegovine, odlučujući po zahtjevu načelnika Općine Stari Grad Ibrahima Hadžibajrića, utvrdio je povredu prava na lokalnu samoupravu, određivši se na taj način o ustavnosti Zakona o vraćanju, dodjeli i prodaji stanova i Zakona o prodaji stanova na kojima postoji stanarsko pravo. Načelnik Općine Stari Grad Ibrahim Hadžibajrić podnio je apelaciju Ustavnom sudu FBiH tvrdeći da je prekršeno pravo lokalne

samouprave propisima kojim 70 posto od prodaje općinskih stanova ide Kantonu Sarajevo, tačnije Kantonalnom fondu za izgradnju. Po donošenju današnje presude, Hadžibajrić je izjavio da je očekivana i da konačno stvari dolaze na svoje mjesto. "To su sredstva kojim treba da raspolažu općine i nelogično je i bilo da se sredstva od prodatih stanova raspoređuju u omjeru 70:30 u korist Kantona, ne ulazeći u način kako je odluka o ovakvoj raspodjeli uopšte donesena," kaže Hadžibajrić. Da je Ustavni sud donio ispravnu odluku potkrijepio je i činjenicom da je Općina Stari Grad u posljednjih osam godina izgradila tri zgrade za smještaj interno raseljenih lica i socijalnih slučajeva. Njihovu gradnju finansirala je Općina Stari Grad i Ministarstvo za rad, socijalnu politiku, raseljena lica i izbjeglice, a ne Kantonalni fond u koji su se slijevala sredstva od prodaje stanova. "Na teret opština pala je i briga oko rješavanja stambenih pitanja i smještaja različitih kategorija stanovništva - osim šehidskih porodica i porodica palih boraca, tako da smo mi u posljednjih šest godina izgradili tri zgrade i riješili smještaj 31 porodice. Znači, mi smo riješili sve interno raseljene osobe iz Starog Grada koji su bili izbjeglice u svom gradu više od dvadeset godina. To je još jedan razloga zašto su sredstva od prodatih stanova trebala ostati opštinama jer smo ih mogli usmjeriti u ove projekte," kazao je Hadžibajrić. Tokom ranije javne rasprave o ovom slučaju Hadžibajrić je istaknuo da Zakon o principima lokalne samouprave FBiH propisuje da jedinice lokalne samouprave slobodno raspolažu svojim sredstvima i da je zakonodavac dužan pribaviti mišljenje od Saveza općina i gradova FBiH o svim pitanjima koja mogu utjecati na finansijske obaveze jedinice lokalne samouprave. Čitajući presudu u ovom slučaju predsjednica Ustavnog suda FBiH Aleksandra Martinović kazala je da su punomoćnici podnosioca zahtjeva proširili zahtjev za zaštitu prava na lokalnu samoupravu te naglasila da je prikupljanjem dokaza utvrđeno da Savez općina i gradova FBiH nije bio konsultiran u postupku donošenja osporenih zakona. Stoga je Ustavni sud stanovišta da se osporenim članovima zakona, prema kojima se od prodaje stanova 30 posto raspoređuje prodavcu, a 70 posto općini na čijoj se teritoriji stan nalazi, te da se prema takvom raspoređivanju sredstva usmjeravaju u Kantonalni fond za izgradnju stanova određenih kategorija stanovništva, a bez prethodno pribavljene i provedene konsultacije lokalne zajednice u skladu sa Zakonom o principima lokalne samouprave, nesumnjivo povređuje pravo Općine Stari Grad Sarajevo na lokalnu samoupravu.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



MEĐUNARODNI SAJAM TURIZMA LIST OVE GODINE SE PROŠIRIO NA SEGMENT EKOLOGIJE



15. Međunarodni sajmu turizma LIST 2017 koji se ove godine održava u periodu od 11. do 13. maja 2017. godine svečano je otvoren u Lukavcu. Ceremoniji otvaranja prisustvovali su mnogobrojne zvaničnice kao što su ambasadori Malezije i Turske, zatim predstavnici ministarstva okoliša i turizma FBiH i Vlade TK ali i drugi predstavnici vlasti i turističkih organizacija. Bego Gutić, premijer Vlade TK koji je zvanično i otvorio sajam, kazao je da je sasvim

očekivano da jedna ovakva manifestacija bude oraganizirana baš u Lukavcu. "Lukavac nudi brojne turističke mogućnosti. Jezero Modrac kao najvažniji dio turističke ponude TK, svojim sadržajima privlači iz godine u godinu više turista. Tu su brojna lokalna izletišta, zatim rijeka Turija ali i brojni historijsko turistički ostaci iz bronzanog i bakrenog doba. Organizatori sajma su ovu ponudu dobro prepoznali i Vlada TK će im u tome i dalje pomagati", kazao je Gutić. Lukavački sajam svake godine okuplja najznačajnije turističke radnike iz Bosne i Hercegovine i zemalja okruženja a sve s ciljem promocije privrednih, kulturnih ali i sportskih potencijala BiH. Na ovogodišnjem sajmu u saradnji sa Općinom Lukavac i Turističkom zajednicom Tuzlanskog kantona, a uz podršku Federalnog ministarstva okoliša i turizma i Vlade Tuzlanskog kantona predstavlja se ok 200 izlagača iz Mađarske, Turske, Albanije, Srbije, Hrvatske, Crne Gore, Slovenije, Indonezije, Malezija i BiH na 3.000 m2 izložbenog sajamskog prostora. Ovogodišnji partner sajma je Turistička organizacija Zlatibor. Izet Nuhanović, direktor Lukavačkog sajama kazao da prema dosadašnjim iskustvima, ovaj sajam možemo svrstati u red vodećih i dobro organizovanih sajmova u BiH. Izlaganje učesnika iz mnogih zemalja, pokazuje da se radi o respektabilnoj manifestaciji, koja je za sve ove godine pridobila povjerenje vlasti, ali i privukla pažnju mnogih koji shvataju značaj promocije turizma. Edin Delić, načelnik općine Lukavac kazao je kako je općina prepoznala značaj ovog sajma i da će i dalje da učestvuje u njegovoj organizaciji i podršci. Kazao je i kako mu je drago što su organizatori prihvatili općinski prijedlog da kroz sajam bude obuhvaćen i značaj ekologije pa zbog toga ovogodišnji sajam nosi naziv sajam turizma i ekologije. "U posljednje vrijeme se daje dosta značaju zdravom i čisto okolišu pa tako i turizmu. Općina Lukavac ima i takvih potencijala koje treba više promovisati baš na ovakve načine kroz dodatne sadržaje i sajamske aktivnosti. U narednom periodu planiramo investirati značajna sredstva u ekologiju i zaštitu okoliša pa će ovaj sajam biti jedan uvod u sve naše dalje projekte i aktivnosti u zaštiti i očuvanju okoliša. Tradicionalni sajam List je u skladu s tim ove godine proširen na dodatni segment- ekologiju.", rekao je Delić. Bruno Bojić, predsjednik Vanjskotrgovinske komore BiH kazao je da Komora podupire sve sajmove u BiH pa će tako nastaviti i dalje, jer je bitno promovisati ono što je pozitivno i što našu privredu čini bolje pozicioniranom iza naših granica. Organizatori i domaćini sajam dodjelili su plaketu "Zlatni list" partnerima i prijateljima sajma a to su ove godine bili Ambasada Indonezije u BiH, Ambasada Turske u BiH, Vlada FBiH i Vlada TK. U cilju jačanja turističke ponude BiH, te prezentacije bogatstva i kvaliteta domaće trpeze brojnim gostima u okviru sajma i ove godine održava se Festival hrane i pića pod nazivom "Bosanska sofa". Svrha manifestacije je njegovanje autohtone bosanskohercegovačke kuhinje, a u cilju očuvanja od zaborava ovog neprocjenjivog domaćeg blaga. Ovogodišnji festival je humanitarnog karaktera i sav prikupljen novac, Udruženja će koristiti za unapređenje svog rada. Sajam će pratiti i drugi brojni sadržaji kao što su seminari i stručna predavanja iz turizma i bliskih djelatnosti ali i sportska takmičenja, biciklijada, spremanje kotlića, te muzičko iznenađenje za mlade predviđeno posljednjeg dana Sajma.

Edin Delić, načelnik općine Lukavac kazao je kako je općina prepoznala značaj ovog sajma i da će i dalje da učestvuje u njegovoj organizaciji i podršci. Kazao je i kako mu je drago što su organizatori prihvatili općinski prijedlog da kroz sajam bude obuhvaćen i značaj ekologije pa zbog toga ovogodišnji sajam nosi naziv sajam turizma i ekologije.



Grb Općine Lukavac

MEĐUNARODNI SAJAM PRIVREDE U TEŠNJU U MAJU OKUPLJA 200 IZLAGAČA

Međunarodni sajam privrede u Tešnju, 13. po redu, od 18. do 21. maja okupit će oko 200 izlagača. Najavljeno je predstavljanje privrede iz Bosne i Hercegovine i regije, ali i Njemačke koja je ovogodišnji partner sajma. Ambasadorica Njemačke u BiH Christiane Hohmann ponosna je, kaže, što su partneri manifestacije koja će biti održana u Tešnju koji važi za ekonomski jaku i prosperitetnu sredinu. Na konferenciji za medije u Sarajevu istakla



je da je Tešanj područje koje dokazuje da je u svojoj sredini moguće napraviti ambijent za poslovanje. "Ti privrednici su pokazali da se može otići daleko i da se mogu privući investitori. Unazad nekoliko godina firme iz Tešnja i inostrane firme su razvile standard koji je za primjer", navela je Hohmann. Njemačka će na sajmu u Tešnju predstaviti svoju privredu, ali i druge grane. Predsjednik Udruženja privrednika "Biznis centar" Jelah - Tešanj Edin Jabandžić je najavio da će i ovogodišnji sajam biti prilika da bude prezentirana privreda Tešnja, cijele BiH, i zemalja okruženja. "Kao i do sada, predstaviti ćemo ono što je urađeno tokom godine, a bit će prilike i za druge sredine", naveo je Jabandžić. Sajam privrede u Tešnju, poručio je, pružit će mogućnost povezivanja bh. i inostranih kompanija. Sajam će biti održan na području poslovne zone Carina na Kraševu. Izlagači će na raspolaganju imati 4.000 kvadratnih metara zatvorene i 10.000 otvorene površine.

KORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

PILOT PROJEKAT DIGITALNOG ARHIVA KATASTRA



U Gradačcu je početkom maja 2017-godine pokrenut Pilot projekat uspostave digitalnog arhiva katastra zemljišta u općini Gradačac (DA) koji će se realizovati kroz donatorski CILAP projekat (Izgradnja kapaciteta za unapređenje Zemljišne administracije i procedura u Bosni i Hercegovini) uz podršku Federalne uprave za geodetske i imovinsko pravne poslove Sarajeva (FGU). U posebno određenom prostoru u Gradačcu će biti instalirana oprema za pripremu, skeniranje, sortiranje i arhiviranje dokumenata katastarskog operata u digitalnoj formi kao i dvosmjernu informatičku komunikaciju općine Gradačac sa FGU, a sve na podlozi

namjenski naručenog softvera za Digitalni arhiv koji će nabaviti FGU. Skenirani podaci i dokumenti u općini Gradačac iz ovog pilot projekta će preko tog softvera biti dostupni centralnom serveru u FGU a takođe i podaci iz FGU će biti vidljivi u općini Gradačac. Nakon skeniranja planiranog broja dokumenata i završetka pilot projekta uraditi će se izvještaj kao i preporuke za budući rad na DA katastra u FBiH.



Grb Općine Gradačac



Pratite našu
web stranicu

GRADONAČELNIK MOSTARA ZAJEDNO SA ŠVEDSKIM AMBASADOROM U BIH I PREDSTAVNICIMA SVJETSKE BANKE OBIŠAO RADOVE NA IZGRADNJI KOLEKTORA I PROČISTAČA

Gradonačelnik Mostara Ljubo Bešlić primio je 11. maja/ svibnja u Gradskoj vijećnici u nastupni posjet ambasadora Švedske u BiH Andersa Hagelberga. Tom prigodom bilo je riječi o brojnim projektima koje švedska vlada podupire u Mostaru te o političkoj situaciji i ne održavanju lokalnih izbora u tom gradu. „Švedska je donirala 2,5 milijona eura za projekt reguliranja otpadnih voda, a za taj projekt planira donirati još dodatnih 1,5 milijona eura,“ kazao je švedski ambasador. Glede političke situacije u Mostaru, ambasador je izrazio nadu da će političke stanke znači rješenje za održavanje izbora



kako bi građani tog grada mogli birati svoje predstavnike u gradskoj vlasti. Gradonačelnik Bešlić izrazio je zadovoljstvo današnjom posjetom švedskog ambasadora, kazavši kako Švedska u velikoj mjeri pomaže Grad Mostar preko svoje agencije za međunarodni razvoj i saradnju (SIDA). „Mi radimo puno projekta u Mostaru uz njihovu pomoć, a osim u projektu otpadnih voda Švedska je pomagala i pomaže u obnovi zgrada, saniranju otpada i drugim projektima,“ ustvrdio je Bešlić. Nakon sastanka u Vijećnici gradonačelnik Bešlić i ambasador Hagelberg zajedno s predstavnicima Svjetske banke u BiH su danas i radove na izgradnji kolektora na lokalitetu kod hotela Bristol te pročištač otpadnih voda na lokalitetu kod mosta „Franje Blaževića“ U februaru ove godine potpisan je Ugovor za projekt T3-tuneli i obrnuti sifoni između Grada Mostara i izvođača radova njemačke tvrtke Ludwig Pfeiffer Hoch-und Tefbau GmbH & Co. KG Kassel, a ugovor je vrijedan 10,6 milijona KM. Riječ je o ugovoru od iznimne važnosti u okviru projekta izgradnje kolektora u Gradu Mostaru, jer će se radovi izvoditi specifičnom tehnologijom mikro tuneliranja koja do sada u ovom obimu nije korištena u BiH. Ugovor odnosi na izgradnju glavnih kolektora na tri lokacije i to sjeverno od mosta "Franje Blaževića" gdje će se graditi tzv. 'obrnuti sifon' kojim će se glavni lijevo obalni kolektor, sifonom ispod rijeke Neretve, spojiti s glavnim desno obalnim kolektorom. Obuhvaćena je dionica Lučki most-Narodno pozorište te lokacija ispred mosta Musala, odnosno kod Bristola, dio kolektora iz kišnog preljeva KP3 prema rijeci Neretvi. Sredstva za realizaciju ugovora osigurana su iz više izvora, i to iz kredita Evropske investicijske banke 7,19 milijona KM, grant sredstava Vlade Kraljevine Švedske, putem agencija SIDA 2,93 milijuna maraka, grant sredstava Fonda za zaštitu okoliša FBiH 200 000, te sredstava iz Proračuna Grada Mostara u iznosu od 297 990 KM.

USKORO POČINJE SA RADOM CENTAR ZA PODRŠKU OSOBAMA SA POTEŠKOĆAMA U RAZVOJU



S ciljem poboljšanja kvalitete života djece sa poteškoćama u razvoju i njihovih porodica kako bi aktivno sudjelovali u društvenim aktivnostima i bili ravnopravni članovi društva načelnik Općine Centar Sarajevo dr. Nedžad Ajnadžić je u petak, 28. aprila 2017. godine potpisao Memorandum o razumijevanju sa Aidom Hrnjić, predsjednicom Udruženja za podršku porodicama sa djecom i osobama sa poteškoćama u razvoju „Colibri“ o implementaciji projekta „Centar za podršku porodicama sa djecom i osobama sa poteškoćama u razvoju“ koji će biti realiziran u

poslovnim prostorijama Općine Centar, površine 137 kvadratnih metara, u Ulici Valtera Perića 3. Pomenuto udruženje osnovali su roditelji sa područja općine Centar čija djeca imaju poteškoće u razvoju.



Grb Grada Mostara



Grb Općine Centar Sarajevo

**KORISNI LINKOVI ZA
PREDPRISTUPNE FONDove EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Srebrenik

Za uređenje i opremanje prostorija u Ulici Valtera Perića 3 planirana su sredstva u općinskom budžetu, a njegovo otvorenje očekuje se u ljetnom periodu, nakon što budu provedene sve procedure za odabir izvođača radova za adaptaciju i uređenje. Načelnik Ajnadžić podsjetio je prisutne da je Općina Centar jedna od rijetkih lokalnih zajednica koja brigu o osobama sa invaliditetom i djeci sa poteškoćama u razvoju godinama unazad stavlja u fokus svojih aktivnosti.

„Ova lokalna zajednica ima puno razumijevanje za ovaj problem i bit ćemo posvećeni njegovom rješavanju. Općinsko vijeće je ovlastilo mene kao općinskog načelnika da sa vašim udruženjem potpišem Memorandum o razumijevanju. Nažalost, nigdje u državi ne postoji evidencija o broju osoba sa poteškoćama u razvoju, ali smo uspjeli zajedničkim angažmanom približno opservirati zahtjeve ove vrste. Na području ove lokalne zajednice nalazi se oko 80 djece sa poteškoćama u razvoju. Socijalizacija i shvatanje različitosti je nešto na čemu ćemo jako insistirati i podržavat ćemo sve aktivnosti koje vode ka tome da se djeca sa umanjnim sposobnostima ne osjećaju zapostavljena i drugačije od ostale djece. To je naša misija. Sva djeca su naša budućnost i na njima ostaje Bosna i Hercegovina, da je grade bolje nego što smo mi i da je ostave uređeniju svojoj djeci nego što smo mi njima“, istakao je Ajnadžić. Hrnjić se zahvalila načelniku Ajnadžiću, službama Općine Centar i Općinskom vijeću što su od samog početka imali razumijevanja za jedan ovakav projekat. „Cilj cijelog projekta je da olakša funkcionisanje i porodice, a prvenstveno da pomogne djeci sa poteškoćama u razvoju. Ovo je prvi projekat u Kantonu Sarajevo ovakvog tipa, ali i mnogo šire. Općina Centar je prva i jedina koja je prepoznala važnost jednog ovakvog projekta, „naglasila je Hrnjić. Sekretar Udruženja Melina Muhić kazala je da je život porodice sa djetetom sa poteškoćama u razvoju kao maraton trka sa mnogo prepreka. „Ja sam majka jednog malog dječaka sa umanjnim sposobnostima i ne možete zamisliti kolika je količina problema sa kojima se svakodnevno suočavamo, a ne smijem ni pomisliti šta nas očekuje kada dijete odraste. Želim da vam se zahvalim što ste nam ukazali povjerenje, a nadam se da ćemo isto opravdati i da će vaš pozitivan primjer slijediti i druge općine i uključiti djecu sa poteškoćama u razvoju u sistem društva. Mi udruženje smatramo svojom drugom kućom i zahvaljujemo vam se što ste nam otvorili vrata te kuće,“ dodala je Muhić. Današnjem potpisivanju Memoranduma prisustvovali su savjetnik načelnika Osmo Babić, saradnici iz Službe za rad, socijalna pitanja, zdravstvo, izbjegla i raseljena lica, vijećnici Velija Katica i Sonja Akšamija, te roditelji djece sa poteškoćama u razvoju.

NAČELNIK OPĆINE SREBRENİK NIHAD OMERović URUČIO UGOVORE O OBAVLJANJU JAVNIH RADOVA



Načelnik Općine Srebrenik Nihad Omerović je 3. maja/ svibnja svečano uručio ugovore o obavljanju javnih radova na području općine. Ugovore su potpisale 32 nezaposlene osobe koje su, u saradnji s Biroom za zapošljavanje i Centrom za socijalni rad Srebrenik, odabrane putem nedavno okončanog javnog poziva. Radi se o Programu podrške zapošljavanju kroz javne radove za dugoročno nezaposlene i socijalno ugrožene kategorije stanovništva koji implementira Općina Srebrenik u sklopu Projekta „Lokalni integrisani razvoj“ u 2017. godini, a koji se, uz podršku UNDP-a, implementira u samo pet općina u BiH. „Organizacijom javnih radova želimo pružiti

priliku najranjivijim socijalnim skupinama da dobiju privremeni radni angažman i da poboljšaju vlastito socijalno stanje. Pored toga, realizacijom projekta javnih radova ostvarit će se i dugoročni efekti na sprečavanju poplava i erozije tla te uređenja i očuvanja životne sredine“, istakao je načelnik Omerović. Nezaposlene osobe uključene u ovaj projekat, u naredna četiri mjeseca biti će angažirane na čišćenju odvodnih kanala, uklanjanjanju divljih deponija smeća, održavanju pješačke staze pored rijeke Tinje i uređenju javnih zelenih površina na području općine. Nezaposlenim osobama uključenim u ovaj projekat u naredna četiri i po mjeseca isplaćivat će se mjesečna naknada u iznosu od 425 maraka. U realizaciju ovog projekta uložit će se 80.000 KM, od čega je 50.000 KM posredstvom UNDP-a donirala Evropska unija, a preostalih 30.000 KM izdvojeno je iz budžeta općine Srebrenik.



U USORI POTPISANI UGOVORI ZA SANACIJU PROMETNICA

U uredu općinskog načelnika Zvonimira Anđelić potpisani 11. maja/ svibnja ugovori za sanaciju prometnica u općini Usora. U potpisivanju ugovora sudjelovali su pored načelnika i Kasim Hajdić, direktor HAJDIĆ d.o.o. Maglaj, kao izvođač radova, Mario Čolić, direktor „INGART“ d.o.o. Usora, kao nadzorni organ nad izvođenjem radova, te Dario Katić, pomoćnik Načelnika u Službi za geodetske poslove, katastar nekretnina, imovinsko-pravne poslove i urbanizam i Anto Bonić, pomoćnik Načelnika u Službi za gospodarstvo i financije. Nakon



provedenog postupka prema ZJN sa odabranim izvođačem radova HAJDIĆ d.o.o. Maglaj potpisana su dva ugovora za dva lot-a i to LOT 1: Sanacija otvora (udarnih „rupa“) na lokalnim asfaltnim prometnicama na području općine Usora i LOT 2: Sanacija klizišta Pejići u MZ Žabljak. Ukupna vrijednost radova iznosi 28.156,06 KM. Nadzor nad ovim radovima povjeren je firmi „INGART“ d.o.o. Usora sa kojom je također zaključen ugovor za usluge stručno-tehničkog nadzora. Kada su u pitanju prometnice ovo nije kraj aktivnostima na sanaciji usorskih prometnica. U tijeku su pripreme za provođenje postupka javne nabave radova za sanaciju devijacija na asfaltnim cestama i za sanaciju makadamskih cesta. Budući da je temeljem Sporazuma potpisanog u petak 05.05.2017. godine sa Županijskom upravom civilne zaštite Zeničko-dobojske županije, o međusobnim pravima i obvezama vezanim za pomoć za saniranje šteta nastalih uslijed poplava i klizišta u 2014. godini, osigurano 37.439,00 KM to će se za ova sredstva provesti zaseban postupak nabave, a ostali dio nužnih radova na sanaciji devijacija i sanaciji makadamskih cesta će se financirati iz već planiranih sredstava u općinskom Proračunu za 2017. godinu. Ovi radovi započet će odmah nakon protoka zakonom propisanih rokova za provođenje postupka javne nabave radova.



Grb Općine Usora

OSIGURANA GARANCIJA ZA PLAVU VODU



Gradska uprava Zenice na čelu sa gradonačelnikom Fuadom Kasumovićem osigurala je garanciju na zaduženje Zeničko – dobojskog kantona po Ugovoru o zajmu zaključenog između Bosne i Hercegovine i Evropske banke za obnovu i razvoj (EBRD) i BiH i Razvojne banke vijeća Evrope (CEB) za projekat "Izgradnja regionalnog vodovoda Plava voda. Ovaj projekat vrijedan oko 22 miliona eura od kapitalnog značaja za Grad Zenicu kada je u pitanju snabdijevanje pitkom vodom u budućnosti. Projekat je došao u pitanje, nakon što je Skupština

Zeničko – dobojskog kantona odbila dati saglasnost na zaduženje kod EBRD-a. "Uz svoje saradnike danas sam riješio pet decenija dugu želju građana Zenice da piju zdravu vodu. Iskreno se nadam da ćemo ovaj put naići na razumijevanje u institucijama vlasti Zeničko – dobojskog kantona i da od strane Skupštine neće biti opstrukcija, odnosno da će odluka biti donesena vrlo brzo", rekao je gradonačelnik Kasumović. Nakon višemjesečnih zalaganja gradonačelnika Fuada Kasumovića na čiju inicijativu je u januaru ove godine održana vanredna hitna sjednica Gradsko vijeće Zenica jednoglasno je podržalo prijedlog Zaključka o davanju garancije Grada Zenice za realizaciju projekta regionalni vodovod "Plava voda" kojim će se kvalitetnom vodom za piće snabdijevati više od 250.000 stanovnika Zenice, Travnika, Novog Travnika, Viteza i Busovače. "Smatram da pored odluke o izboru najboljeg rješenja za zagrijavanje Grada i usvajanje ovog prijedloga označava početak rješavanja krucijalnih pitanja za stvaranje boljih i kvalitetnijih uslova života građanima" naglasio je gradonačelnik.



Grb Grada Zenice

OPĆINA NOVI GRAD ORGANIZIRA BESPLATNO PREDAVANJE O PLASTENIČKOJ PROIZVODNJI

Kako bi potakli razvoj tržišno orijentisane poljoprivredne proizvodnje sa fokusom na plasteničku proizvodnju, Općina Novi Grad Sarajevo, u saradnji sa Federalnim zavodom za poljoprivredu, 9. maja/ svibnja organizira besplatno tematsko predavanje o temi „Plastenička proizvodnja”. Predavanje je dio poticajnih mjera razvoju privrede i zapošljavanja, koje Općina Novi Grad realizira već četvrtu godinu, a predavač je direktor Federalnog zavoda za poljoprivredu Omer Kurtović, najavljeno je iz Pres-službe Općine Novi Grad. Predavanjem će biti obuhvaćene oblasti koje se odnose na značaj plasteničke proizvodnje, uticaj klimatskih promjena, na objekte za proizvodnju (plastenici), a bit će riječi i o planiranju proizvodnje u plastenicima, proizvodnji presadnica povrća, tehnologiji uzgoja osnovnih kultura, kao što su paradajz, paprika, krastavac, te o bolestima i štetnicima povrtarskih kultura, razlikama u simptomima bolesti i nedostatku hranjiva. Prijaviti se možete u Općini Novi Grad.



Grb Općine Novi Grad Sarajevo

POZIV NA PODNOŠENJE PRIJAVA JEDINICA LOKALNE SAMOUPRAVE U BOSNI I HERCEGOVINI

Projekat integriranog lokalnog razvoja (ILDP) III upućuje poziv jedinicama lokalne samouprave (JLS) u Bosni i Hercegovini (BiH) da se prijave za učešće u njegovoj implementaciji. Projekat integriranog lokalnog razvoja (ILDP), čija će se treća faza implementirati u periodu od 2017. do sredine 2021. godine, je partnerska inicijativa koju primarno finansira Švicarska vlada, a implementira UNDP u BiH. Treća faza Projekta ima za cilj afirmaciju i konsolidaciju stečenih znanja i sistema za upravljanje razvojem, od lokalnog, preko kantonalnog do entitetskog nivoa. U tom smislu, Projekat namjerava raditi sa približno 30 JLS, 10 kantona i relevantnim entitetskim partnerima te Brčko distriktom na uspostavi održivog i koherentnog sistema za upravljanje lokalnim razvojem, uz obezbjeđivanje poticajnih finansijskih mehanizama za finansiranje lokalnih i kantonalnih strateških prioriteta. Putem ovog poziva na podnošenje prijava, ILDP će odabrati 10 partnerskih JLS u BiH kojima će se pružiti tehnička podrška za izradu lokalnih integriranih razvojnih strategija i uvođenje sistemskih procesa za upravljanje lokalnim razvojem. Način podnošenja prijave Pozivaju se sve zainteresirane jedinice lokalne samouprave u BiH, koje zadovoljavaju preduslove poziva, da učestvuju u otvorenom i konkurentnom procesu odabira partnerskih jedinica lokalne samouprave za projekat ILDP. Mole se jedinice lokalne samouprave, koje se prijavljuju na poziv, da dostave sve obavezne dokumente za prijavu, onako kako je to pojedinačno naglašeno u Smjernicama za podnosiocima prijave. Jedinice lokalne samouprave svoje prijave na učešće i dodatne dokumente treba da dostave u jednom štampanom primjerku i jednom primjerku u elektronskoj formi (CD ili USB), putem preporučene pošte, privatne poštanske usluge ili lično na slijedeću adresu: Razvojni program Ujedinjenih naroda u Bosni i Hercegovini (UNDP BiH) „Projekat integriranog lokalnog razvoja” (ILDP III); UN House Zmaja od Bosne bb ; 71000; Sarajevo; Bosna i Hercegovina “

Sve prijave za učešće, u skladu sa ovim Pozivom i pripadajućim Smjernicama, trebaju biti dostavljene najkasnije do 22.maja 2017. godine (ponedeljak), do 17:00 sati. Prijave na učešće podnešene na druge načine (npr. faks ili email) neće biti uzete u razmatranje. Otvoreni dani, tokom kojih će zainteresirani moći dobiti dodatne informacije i pojašnjenja vezana za uslove poziva, će biti organizovani na tri lokacije i to kako slijedi:

Travnik, Zgrada Vlade SBK (Stanična 43), 08.05.2017. od 12:00-14:00 sati

Mostar, UNDP regionalni ured Mostar (Bulevar narodne revolucije 19), 10.05.2017. od 12:00-14:00 sati

Istočna Ilidža, Zgrada Opštine Istočna Ilidža (Vojvode Radomira Putnika 2), 11.05.2017. od 12:00-14:00 sati

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

facebook

Savez općina i gradova Federacije

Gledajte Savez općina i gradova Federacije Bosne i Hercegovine na

Pratite Savez općina i gradova FBiH na

You Tube

g+

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

INICIJATIVA ZA USAGLAŠAVANJEM U POGLEDU IZMJENA I DOPUNA USTAVNIH I ZAKONSKIH RJEŠENJA



Na inicijativu gradonačelnika Sarajeva Abdulaha Skake, 24. aprila/ travnja je održan sastanak sa načelnicima četiri gradske općine na temu procedure i sadržaja predloženih izmjena Ustava KS, Zakona o prostornom uređenju KS i Zakona o osnovnom odgoju i obrazovanju. Sastanak je organiziran kako bi se usaglasili stavovi lokalnih zajednica u pogledu izmjena i dopuna pomenutih ustavnih i zakonskih rješenja.

„Kao što je poznato Grad Sarajevo mnoge nadležnosti dijeli sa četiri gradske općine i Kantonom Sarajevo. Zbog specifične uloge i

isprepletenih nadležnosti gradonačelnik će imati ulogu inicijatora saradnje i nastojat će biti kohezivni faktor na relaciji gradske općine – Grad Sarajevo – Kanton Sarajevo. Cilj je da pomenuti nivoi vlasti razmjenjuju mišljenja o konkretnim pitanjima u ovom slučaju izmjeni Ustava KS i zakonskih rješenja“, naglasio je gradonačelnik Skaka.

U vezi navedenog, traži se hitno zakazivanje sastanka na kojem bi prisustvovali gradonačelnik Sarajeva, načelnici gradskih općina sa premijerom Kantona Sarajevo i predsjedavajućom Skupštine Kantona Sarajeva, s ciljem blagovremenog konstruktivnog dijaloga, koji bi preduprijedio negativne posljedice ovako predloženih ustavnih i zakonskih rješenja.

